

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



ДОМ НАРОДА
ПРЕДСТАВНИЧКИ ДОМ
Зajедничка комисија за одбрану и безбједност
Босне и Херцеговине

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM
Zajедничка комисија за одбрану i сигурност
Bosne i Hercegovine
Zajедничко povjerenstvo за одбрану i сигурност
Bosne i Hercegovine

Broj: 03/1-50-14-7-7 /24
Sarajevo, 17.01.2024.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
САРАЈЕВО

ЧЛАНОВИМА ЗАЈЕДНИЧКЕ КОМИСИЈЕ ЗА ОДБРАНУ И СИГУРНОСТ БиХ:
JASMINU IMAMOVIĆU, MARINI PENDEŠ, RADOVANU KOVAČEVIĆU, DARKU
BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI,
KEMALU ADEMOVIĆU, SREDOJU NOVIĆU, ZDENKU ĆOSIĆU, SAFETU SOFTIĆU

PREDMET: Informacija o učešću članova Zajedničke komisije za odbranu i sigurnost BiH u studijskoj radnoj posjeti Parlamentarnoj skupštini NATO-a, Glavnom sjedištu NATO-a i Štabu NATO-a u Briselu, Belgija, 10-12.12.2023.

Članovi Zajedničke komisije za odbranu i sigurnost BiH su od 10. do 12. 12. 2023. učestvovali u studijskoj radnoj posjeti Parlamentarnoj skupštini NATO-a, Glavnom sjedištu NATO-a i Štabu NATO-a u Briselu. Studijska radna posjeta realizirana je u organizaciji Međunarodnog sekretarijata Parlamentarne skupštine NATO-a i uz podršku Sektora za javnu diplomatiju NATO-a i Štaba NATO-a u Sarajevu.

U studijskoj radnoj posjeti učestvovali su: Marina Pendeš zamjenica predsjedavajućeg Zajedničke komisije, Sredoje Nović, Sanja Vulić, Zdenko Ćosić, Šerif Špago, Safet Softić, Milan Dunović, Slavko Matić, članovi Zajedničke komisije, Ljiljana Milićević, sekretarka, Željko Grubešić, stručni savjetnik, i Sanja Čavarkapa, stručna saradnica, kao i Boško Šiljegović, parlamentarni vojni povjerenik BiH.

Prvi radni dan studijske posjete, 11. 12. 2023, članovi Zajedničke komisije posjetili su Međunarodni sekretarijat PSNATO-a i Glavno sjedište NATO-a u Briselu. Tokom sastanka s generalnom sekretarkom PSNATO-a Ruxandrom Popom bilo je riječi o saradnji PSNATO-a s parlamentima zemalja Zapadnog Balkana, kao i o mogućnostima unapređenja saradnje u segmentima koji mogu doprinijeti rješavanju aktuelnih problema i jačanju dijaloga i stabilnosti.

Članovi Zajedničke komisije za odbranu i sigurnost BiH su zatim u Glavnom sjedištu NATO-a u Briselu održali niz sastanaka sa zvaničnicima i ekspertima NATO-a.

Pomoćnica generalnog sekretara NATO-a za javnu diplomatiju Marie-Doha Besancenot se osvrnula na nedavnu posjetu generalnog sekretara NATO-a Jensa Stoltenberga Bosni i Hercegovini. Naglasila je da je posjeta generalnog sekretara NATO-a pokazatelj da je Bosna i Hercegovina veoma bitan partner za NATO, te da očuvanje mira i stabilnosti na Zapadnom Balkanu predstavlja jedno od strateških opredjeljenja NATO-a. S tim u vezi kazala je kako će NATO nastaviti da podržava izgradnju odbrambenih kapaciteta Bosne i Hercegovine. Tokom sastanka posebno je istaknuta uloga PSBiH kad je riječ o usvajanju zakonskih rješenja koja će jasno pokazati političko opredjeljenje da se pomogne u daljnjem jačanju sektora odbrane i

sigurnosti u BiH. Razgovarano je i o potrebi intenziviranja dijaloga unutar BiH, izgradnje međusobnog povjerenja, te nastavka reformskog procesa.

Razgovorima u Glavnom sjedištu NATO-a u Briselu prisustvovala je i komandantica Štaba NATO-a u Sarajevu brigadna generalica Pamela McGaha.

Prvi radni dan posjete iskorišten je također i za posjetu Misiji BiH pri NATO-u gdje su članovi Zajedničke komisije razgovarali s Goranom Pranjićem, otpravnikom poslova u Misiji BiH pri NATO-u, i vojnim predstavnikom u Misiji BiH pri NATO-u Edinom Fakom, koji su ih tom prilikom upoznali s aktivnostima Misije u 2023. godini. Naglasili su da je NATO u potpunosti opredijeljen za pomoć Bosni i Hercegovini, u mjeri u kojoj se politički subjekti zakonodavne i izvršne vlasti BiH dogovore. S tim u vezi, kazali su da NATO podržava izgradnju odbrambenih kapaciteta Bosne i Hercegovine, kroz realizaciju 12 dugoročnih projekata za koje će biti izdvojeno oko 54 miliona eura.

Pranjić i Fako upoznali su članove Zajedničke komisije s planovima aktivnosti za 2024. godinu. Najavili su da će naredne godine u Bosni i Hercegovini s NATO-om biti održano nekoliko veoma bitnih aktivnosti, čiji će domaćini biti institucije Bosne i Hercegovine.

Drugi dan studijske radne posjete, 12.12.2023, članovi Zajedničke komisije su posjetili Štab Vrhovne komande snaga NATO-a SHAPE u gradu Monsu. Tom prilikom razgovarali su sa zamjenikom načelnika Štaba Savezničkih snaga za Evropu general-majorom Hubertom Cottereaum.

General-major Cottereau sa saradnicima upoznao je članove Zajedničke komisije s aktuelnim stanjem u svijetu, posebno sa situacijom u Ukrajini, Srednjem istoku, Zapadnoj Africi, Zapadnom Balkanu, a govorio je i o problemu migracija i izazovima koji prate migrantsku krizu, te o posljedicama klimatskih promjena u svijetu.

Pomoćnik načelnika Štaba Savezničkih snaga za Evropu brigadni general Editson Zarka upoznao je članove Zajedničke komisije s aktuelnim operacijama NATO-a u svijetu, posebno u regionu Zapadnog Balkana. Razgovarano je i o aktuelnim hibridnim i sajber prijetnjama, o operacijama odvrćanja i odbrane snaga NATO-a, o Novom strateškom konceptu NATO-a, o partnerskoj saradnji NATO-a, o partnerstvu NATO-a sa Bosnom i Hercegovinom, te o planovima za 2024. godinu, u kojoj su potvrđene brojne aktivnosti NATO-a u partnerstvu sa institucijama BiH, posebno u sektorima odbrane i sigurnosti.


Nakon ovih prezentacija, sagovornici članovima Zajedničke komisije bili su visoki oficiri NATO-a brigadni general Martin Remeš i brigadni general Jay Janzen. U otvorenom dijalogu razmijenjena su mišljenja i stavovi o brojnim pitanjima, posebno o operacijama NATO-a i aktivnostima na Zapadnom Balkanu i Bosni i Hercegovini.

S posebnim poštovanjem i uvažavanjem domaćini u štabu NATO-a SHAPE govorili su o radu oficira Oružanih snaga BiH koji su u SHAPE-u, kao i o Centru za mirovne operacije Oružanih snaga BiH (PSOTC), ocijenivši najvišom ocjenom profesionalni angažman pripadnika Oružanih snaga BiH u aktivnostima NATO-a u regionu Zapadnog Balkana i u mirovnim operacijama.

Razgovorima u Štabu Vrhovne komande snaga NATO-a SHAPE u Monsu prisustvovala su komandantica Štaba NATO-a u Sarajevu brigadna generalica Pamela McGaha i generalna sekretarka Međunarodnog sekretarijata Parlamentarne skupštine NATO-a Ruxandra Popa sa saradnicima.

Predsjedavajući Zastupničke komisije

Jasmin Imamović



Dostavljeno:

- naslovu
- a/a